

## Program stipendiranja Europskog Foruma Alpbach 2014

**Poziv za prijave na program stipendiranja za odlazak na European Forum Alpbach 2014, koji se održava u periodu 13.08 - 29.08.2014. godine, na temu: "At the Crossroads" otvoren je do 2. aprila 2014. godine.**

*Europski Forum Alpbach (EFA) 2014* održat će se u periodu od 13- 29. augusta u Austriji na temu "At the Crossroads".

*Europski Forum Alpbach* jedna je od najuglednijih europskih interdisciplinarnih konferencija koja okuplja Nobelovce, profesore, eksperte, političare, kao i mlade ljude kroz program stipendiranja. Održava se svakog augusta u idiličnom tirolskom selu Alpbach, (Austrija) još od davne 1945. godine.

Formalna struktura EFA obuhvata tri velike cjeline: *Seminar Week* (sedmicu intenzivnih kurseva/seminara sa najaktuelnijim temama), *Ljetnu školu europskih integracija*, te višednevne *simpozijume* iz raznih oblasti (ekonomija, zdravstvo, tehnologija itd.).

Iako je program podijeljen na simpozijume i ljetne škole, Forum podržava prijave za sve događaje.

Na program stipendiranja za EFA mogu se prijaviti svi studenti i mladi do 30 godina starosti. Stipendije pokrivaju troškove učešća u potpunosti, a postoji mogućnost i prijave za nadoknadu troškova smještaja sa doručkom i troškova džeparca.

**Poziv za prijave za program stipendiranja otvoren je do 2. aprila 2014. godine. Prijave se šalju putem pošte na adresu Foruma u Beču.**

Za više informacija o programu Foruma, stipendijama i procesu apliciranja posjetite [www.alpbach.org](http://www.alpbach.org), a ukoliko imate dodatna pitanja o tome kako se prijaviti za stipendije na raspolaganju su članovi Inicijativne Grupe Alpbach Sarajevo.

Inicijativna Grupa Alpbach u Sarajevu (IGAS) pridruženi je član Europskog Foruma Alpbach i predstavlja Forum mladima u Bosni i Hercegovini, te osigurava dodatne stipendije za BH učesnike.

Kao i prethodnih godina, članovi IGAS-a će održati prezentacije „**Kako aplicirati za stipendiju na EFA**“, na kojima će biti predstavljen program Europskog Foruma Alpbach 2014 i mogućnosti stipendiranja za mlade iz BiH.

Radionice će biti održane u slijedećim terminima:

- 03.03.2014.godine u 13h - IUS - International University Sarajevo i
- 11.03.2014.godine u 18h - Klub „Munja“ Sarajevo.

Za više informacija pratite [www.igas.ba](http://www.igas.ba), te IGAS [Facebook](#) i [Twitter](#) profile.

Jedan od učesnika na EFA 2013 podijelio je sa nama svoje utiske, a njegovo iskustvo iz Alpbacha pročitajte [ovdje](#).